

布武 文明保护基金会

www.docsriver.com商家布武古籍

布武 文明保护基金会

www.docsriver.com商家布武古籍

布武 文明保护基金会

www.docsriver.com商家布武古籍

www.docriver.com 布武文明保护基金会 商家布武古籍

特 18
775



弘法大師全集

第一卷

明治
43. 1. 27
内交

弘法大師全集第一輯目次

卷第一

秘密漫荼羅教付法傳

眞言付法傳亦名略付法傳

御請來目錄

眞言宗所學經律論目錄

卷第二

秘密漫荼羅十住心論

卷第三

秘藏寶鑰

辯顯密二教論

目次

一

五〇

六九

一〇五

一二五

四一七

四七四

即身成佛義	五〇六
聲字實相義	五二一
卍字義	五三五
般若心經秘鍵	五五四
大毗盧遮那成佛經疏文次第	五六五
大日經疏要文記	五九三
釋論指事	六一二
卷第四	
大日經開題 法界淨心	六三三
大日經開題 衆生狂迷	六四三
大日經略開題 今釋此經	六五二
大日經開題 大毗盧遮那	六五八

大日經開題 隆崇頂不見	六六五
大日經開題 三密法輪	六七八
大日經開題 關以受自樂	六八四
金剛頂經開題	六九〇
教王經開題	七二三
理趣經開題 弟子歸命	七二二
理趣經開題 生死之河	七二五
理趣經開題 將釋此經三門分別	七三〇
真實經文句	七三三
實相般若經答釋	七四七
仁王經開題	七五二
法華經開題 開示茲大乘經	七五六

布武 文明保护基金会

www.docsriver.com商家布武古籍

法華經開題 重圓性海	七六八
法華經釋	七八一
法華經開題 疏河女人	七九二
法華經密號	八〇六
梵網經開題	八〇九
取勝王經開題 獅尊大空	八二〇
金勝王經秘密伽陀	八二五
金剛般若波羅蜜經開題	八三六
一切經開題	八四九

弘法大師全集卷第一

祖風宣揚會 編纂

第一編之一

相承部第一

秘密漫荼羅教付法傳卷第一

第一因起感通分者亦分爲三。一叙意。二列付法阿闍梨名號，及以表德。三問答決疑。

一叙意者。夫仁王治國封賞有差。法帝御世攝引不一。有差非能治之不平。不一還是所化之機。別是故一味甘露。逐器殊色。一相摩尼。隨色分影。能說之心平等。而轉所潤之意千殊。各解一三五

乘源一派別。法報應化體同。用異。所謂報應化佛者。亦名十身盧遮那。大小釋迦等。常途顯教之主是也。此報應化身。則上包十地。滿下括六趣等。對種種根機。以種種方便。說種種法門。其所說教。則大小乘所攝。華嚴法華般若寶積最勝涅槃等。及四阿含等。一百落叉部。經是也。語其宗要。則菩薩四攝六度。聲聞緣覺。四諦十二緣。三十七菩提分。及人天種種善法是也。並是隨他意。說方便門也。故楞伽經云。佛告大慧菩薩。大慧應化佛。所作應佛。說施戒忍精進禪定智慧。故陰界入解脫。故建立識相差別。行故說諸外道。無色三摩拔提。次第相。天慧是名。應佛所作應佛說法。相又云。大慧應化佛。作化衆生事。異真實相。說法不說。內所證法。聖智境界。所謂法佛者。常住三世淨妙法身。法界體性智。大毗盧遮那自受用佛是也。金剛頂經及大日經等。說是薄伽梵遍照如來。以五

說法下一有之字

智所成。四種法身。於本有金剛界自在大三昧耶。自覺本初大菩提心。普賢滿月不壞金剛光明心殿中。與自性所成。眷屬金剛手等。十六如來。及四攝行天女。使金剛內外八供養金剛天女。使十佛刹微塵數。乃至不可說不可說。微細法身秘密心地。超過十地。身語心金剛。自受法樂。故各各說。自所證聖智境界。三摩地。法楞伽。所謂法佛。說法者。離心相應體。故內證聖行境界。故大慧是名。法佛說法。相者是也。如是法身智身二種。色相平等。徧滿一切衆生界。一切非情界。常恒演說真實語。如義語。漫荼羅法教。即是楞伽所謂真實說法者是也。般若論。應化非真佛。亦非說法者。蓋爲此乎。彼漫荼羅教者。金剛頂瑜伽十萬頌。經等是也。大日如來。普遍常恒。雖演說如是。唯一金剛秘密最上佛乘。大漫荼羅法教。而非機非時。不得聽聞。信受修行。流傳所謂道不自弘。弘必由

人誰能弘者則有七箇大阿闍梨耶。上自高祖法身大毗盧遮那如來。下至青龍阿闍梨。嫡嫡相續。迄今不絕。斯則如來加持力所致也。法之最上於此見矣。生身佛所說教。不如是也。自迦葉至師子。付法絕矣。由是空有等諍論爭。舉旗鼓。臧此之由矣。

第二列。付法阿闍梨名號及表德者。彼傳法阿闍梨名號云何。

第一傳法阿闍梨號曰摩訶毗盧遮那婆多他揭多。

第二付法祖名曰金剛薩埵阿闍梨耶。

第三祖名曰龍猛菩薩阿闍梨耶。

第四祖名曰龍智菩薩阿闍梨耶。

第五祖金剛智阿闍梨耶。

第六祖不空金剛阿闍梨耶。

第七青龍寺惠果阿闍梨耶。

第一高祖法身大毗盧遮那如來。與自眷屬法身如來。於秘密法界心殿中。自受法樂。故常恒不斷演說。此自內證智三摩地法。具如金剛頂經說。

第二祖。喇囉曰囉。二合薩怛囉。二合摩訶薩怛囉。二合親對法身如來。海會受灌頂。職位則說。自證三密門。以獻毗盧遮那。及一切如來。便請加持教勅。毗盧遮那如來。言汝等將來於無量世界。為最上乘者。令得現生。世出世間。悉地成就。具如經說。

第三祖者。昔釋迦如來。掩化之後。八百年中。有一大士名那伽闍。賴樹那菩提薩埵。唐言龍樹。訖也。誕迹南天。化被五印。尋本則妙雲如來。現迹則位尊歡喜。和尙說。是則親自在王如來之異名。又降雨養物之義。即是大悲利他之三昧也。妙者甚深難測之義。言此菩薩二利之行。除如來者。無人度量。又迹名龍猛者。大龍無用念雲雨無邊。隨種種趣。所雨各異。華嚴所說。娑羯羅龍王。喻是也。如大龍能有如是德。生長萬物。是菩薩亦復如是。能住大慈平等三摩地。

隨種種惡發無緣大慈。善。灑平等一味法雨。生成。群生法身之牙。果。故。以。為。名。猛。者。勇。猛。精。進。不。怯。弱。之。義。言。此。善。薩。被。如。來。甲。冑。騎。大。精。進。馬。放。大。智。悲。箭。能。破。自。他。之。魔。軍。於。一。心。法。城。皆。得。安。也。或。遊。邪。林。而。同。塵。同。事。或。建。正。幢。以。宣。揚。佛。威。作。千。部。論。摧。邪。顯。正。上。遊。四。王。自。在。處。下。入。海。中。龍。宮。誦。持。所。有。一。切。法。門。遂。則。入。南。天。鐵。塔。中。親。授。金。剛。薩。埵。灌。頂。誦。持。此。秘。密。最。上。漫。荼。羅。教。流。傳。人。間。楞。伽。經。及。摩。訶。摩。耶。經。等。釋。迦。如。來。所。懸。記。則。是。其。人。也。彼。楞。伽。經。說。我。乘。內。證。智。謂。我。乘。者。最。上。秘。密。乘。內。證。智。者。謂。如。來。所。證。五。智。三。十。七。智。及。一。百。八。智。乃。安。至。十。佛。刹。微。塵。數。不。可。說。不。可。說。四。種。法。身。智。具。如。金。剛。頂。經。說。安。覺。非。境。界。如。來。滅。世。後。誰。持。為。我。說。誰。持。為。我。說。者。言。應。化。身。佛。不。有。此。善。薩。如。由。大。日。如。來。加。持。流。傳。此。故。如。如。來。滅。度。後。未。來。當。實。宣。揚。法。身。如。來。之。恒。沙。萬。德。非。他。人。也。如。來。滅。度。後。未。來。當。有。人。大。慧。汝。諦。聽。有。人。持。我。法。於。南。大。國。中。有。大。德。比。丘。名。龍。樹。善。薩。能。破。有。無。見。為。人。說。我。乘。大。乘。無。上。法。證。得。歡。喜。地。往。生。安。樂。國。是。也。何。者。非。為。顯。教。記。以。故。顯。教。記。者。摩。訶。摩。耶。經。所。說。樂。國。是。也。何。者。從。迦。葉。阿。難。等。次。第。說。也。此。記。直。指。龍。樹。又。如。來。

其字一無

進下一有而
微一作微

付法傳

七

明。說。我。乘。內。證。智。又。云。我。乘。無。上。法。者。也。無。上。最。上。佛。乘。之。名。金。剛。頂。經。如。來。明。說。名。此。秘。密。佛。乘。傳。顯。教。者。不。知。此。意。爭。最。上。佛。乘。名。以。為。自。宗。者。甚。西。域。記。云。憍。薩。羅。國。城。南。不。遠。有。故。伽。藍。傍。有。翠。堵。波。無。憂。王。之。所。建。也。昔。者。如。來。曾。於。此。處。現。大。神。通。摧。伏。外。道。後。龍。樹。善。薩。止。此。伽。藍。時。此。國。王。號。婆。多。婆。訶。引。王。珍。敬。龍。樹。周。衛。門。廬。時。提。婆。善。薩。自。執。師。子。國。來。求。論。議。謂。門。者。曰。幸。為。通。謁。時。門。者。遂。白。焉。龍。樹。雅。知。其。名。盛。滿。鉢。水。命。弟。子。曰。汝。持。是。水。示。彼。提。婆。提。婆。見。水。默。而。投。針。弟。子。持。鉢。懷。疑。而。返。龍。樹。曰。彼。何。辭。乎。對。曰。默。無。所。說。但。投。針。於。水。而。已。龍。樹。曰。智。矣。哉。若。人。也。知。幾。其。神。察。微。亞。聖。盛。德。若。此。宜。速。命。入。對。曰。何。謂。也。無。言。妙。辯。斯。之。是。歟。曰。夫。水。也。者。隨。器。方。圓。逐。物。清。濁。彌。漫。無。間。澄。湛。莫。測。滿。而。示。之。比。我。學。之。智。周。也。彼。乃。投。針。遂。究。其。極。此。非。常。人。宜。速。召。進。龍。樹。風。範。凜。然。肅。物。言。談。者。皆。伏。抑。首。提。婆。素。挹。風。徽。久。希。請。益。方。

亮一作高

欲受業先聘機神雅懼威嚴升堂避坐談立永日辭義清亮龍樹
曰後學冠世妙辯光前我惟衰耄遇斯俊彥誠乃寫瓶有寄傳燈
不絕法教弘揚伊人是賴幸能前席雅談立奧提婆聞命心獨自
貢將開義府先遊辯圍提振辭端仰視質義忽覩威顏忘言杜口
避坐引責遂請受業龍樹曰復坐今將授子至真妙理法王誠教
提婆五體投地一心歸命曰而自今以後敢聞命矣龍樹菩薩善
閑藥術演餌養生壽年數百志貌不衰後因引正王太子誠願以
乾茅葉自芻其顛若利劍斷取滅度又一說云蟬蛻而去其提婆
菩薩者彌勒菩薩告囉咀羅阿羅漢曰彼提婆者曠劫修行賢劫
之一佛也非爾所知宜深禮敬賢劫一佛掃洒歸命受學法要以
此明知龍樹菩薩過去如來爲法同塵具如別傳等說不復煩說
第四祖號曰龍智阿闍梨耶即龍猛菩薩付法之上足也位登聖

地神力難思德被五天名薰十方上天入地無不自由或住南天
竺弘法利人或遊師子國勸接有緣故立契三藏行狀云南天竺
磧迦國菴羅林中有一長命婆羅門年七百餘歲觀其面貌可稱
三十許明中百論等云云是龍猛菩薩弟子法師就停學中百論
等及受諸經等以此觀之立契三藏亦是龍智菩薩之弟子也又貞元新定釋教錄云龍
樹菩薩弟子名龍智年七百餘歲今猶見在南天竺國傳授金剛
頂瑜伽經及毗盧遮那德持陀羅尼法門五部灌頂諸佛秘密之
藏及諸大乘經論等又大辯正三藏表制集曰昔毗盧遮那佛以
瑜伽無上秘密最大乘教傳於金剛薩埵金剛薩埵數百歲方得
龍猛菩薩而傳授焉龍猛又數百歲乃傳龍智阿闍梨龍智又數
百歲傳金剛智阿闍梨云云貧道大唐貞元二十二年於長安醴
泉寺聞般若三藏及牟尼室利三藏南天婆羅門等說是龍智阿

閻梨今見在南天竺國傳授秘密法等云云

第五祖貞元釋教錄云沙門跋曰羅菩提唐云金剛智南印度摩賴耶

國此云光明國其國近觀音宮殿補陀落山婆羅門種誕育靈奇幼有神異懇請於父

求之入道年甫十歲於那爛陀寺依寂靜智出家學聲明論十五

學法稱論二十受具足戒六年學大小乘律又學般若燈論百論

十二門論二十八於迦毗羅衛城就勝賢論師學瑜伽論唯識論

辯中邊論經三年三十一往南天竺於龍樹菩薩弟子名龍智年

七百歲今猶見在經七年承事供養受學金剛頂瑜伽經及毗盧

遮那惣持陀羅尼法門諸大乘經典并五明論受五部灌頂諸佛

秘密之藏無不通達兼解九十四書尤工秘術妙閑粉繪每至飲

食天厨自陳金剛薩埵常現於前遂辭師龍智却還中天尋禮如

來八相靈塔其後南天亢旱三年其王捺羅僧伽補多跋摩遣使

迎請和上於自宮中建灌頂道場請雨于時甘澤流澍王臣欣慶

遂爲和上造寺安置經餘三載國南近海有觀自在菩薩寺寺門

側有尼拘陀樹先已枯頽和上七日斷食行道樹再滋茂菩薩應

現而作是言汝之所學今已成就可往師子國瞻禮佛牙登楞伽

山禮拜佛跡廻來可往大唐國禮謁文殊師利菩薩彼國於汝有

緣宜往傳教濟度群生聞是語已不勝忻慰僧徒咸聞其語寺衆

乃曰若菩薩降臨尼拘陀樹枝葉滋榮去即枯頽以此爲候經三

七日却廻辭其國王將領弟子道俗八人往師子國至楞伽城王

臣四衆以諸香華禮和上此具載傳中不煩述更却至南天竺國王請留

宮中供養一月曰和上白王貧道先發誠願往摩訶支那國禮文

殊師利并傳法即日辭王王曰途遙絕遠大海難度不可得到住

此教化足獲利益再三請住和上宿志不移王曰必汝去時差使

相送兼進方物遂遣將軍米准那奉大般若經梵夾七寶繩床等及諸香藥等奉進唐國願和上檢校加持得達彼國發來之日王臣四眾香華音樂送至海濱和上便與徒眾告別登船入海去唐界二十日內中間卒逢惡風忽發雲氣斗鬪毒龍鯨鯢之屬交頭出沒偕行商舶三十餘隻隨波流泛不知所在唯和上一舶得免斯難略計海程十萬餘里逐波沈浪約以三年餘歷異國種種艱辛方得至大唐時節度使二三千人乘小船數百隻以香華音樂海口逢迎至開元八年初到東都所有事一一奏聞奉勅處分使令安置四事供養於是廣弘秘教建漫荼羅依法作成皆感靈瑞沙門一行欽斯秘法數就諮詢和上一指陳後為立壇灌頂一行敬受斯法請譯流通以十一年癸亥於資聖寺為譯瑜伽念誦法四卷七俱胝陀羅尼一卷至十八年庚午於大薦福寺譯曼

坐忍應作座

殊五字心及觀自在瑜伽要沙門智藏譯語此是不空三藏本諱也至十九年又譯金剛頂經瑜伽修習毗盧遮那三摩地法等四卷二十四年隨駕西京二十九年七月二十六日天恩放歸本國行至東都薦福寺乃現疾嗟有身之患坐而遷化弟子僧智藏等請留遺教頃間復還囑付畢曰西國涅槃盡皆無坐法隨師返寂右脇而眠即師子王經所載也悟身非有蟬蛻選舉其年八月十五日證果哀念傷於帝坐悲惜感於士心其年九月五日勅令東京龍門安置至天寶二年二月七日於奉光寺西崗起塔即逸人混倫為銘

其序具載曰本傳

峨峨法岫 滔滔智田 為道之始 則人之先 名揚中國
業普南天 示曉示喻 三千大千 浮圖亞迹 摩騰比肩
真寂有境 生死無邊 釋迦示現 迦葉求緣 無來無去

何後何前，猗歎睿哲，運謝時賢，風摧道樹，浪沒慈船。

層塔虛設，寶鐸空懸，栢吟宵吹，松生暮煙，人世移易。

陵谷推遷，唯餘石誄，千年萬年。

玄宗皇帝有一鍾愛公主忽沈病薨皇帝請和上命曰朕有鍾心少女忽然命終雖死生有命惜其不幸冀和上加持令得蘇息和上即喚兩乳母及二童女著淨衣服加持便縛伏地息絕乃命左右令作閻羅王牒訖即命人於被縛死四人側披讀則四人一時起坐和上告曰此文牒讀得毋惚答曰得也即交誦不錯一字便告曰汝等直去至閻王所宣此文牒將公主來言畢四人俱死從其日辰時至明月初夜四人及公主一時得蘇公主曰閻羅王因和上牒旨更却參雖然受命有限決定難延更不須住此國三日之後命終皇帝更得相見兼聞此言嘆伏極深事具在大薦福

寺南中門西邊和上碑銘中又一時亢旱連月玄宗皇帝軫慮納隍即令和上祈雨和上於大薦福寺廊下結壇密誦真言食頃從壇中龍頭出現和上伸手把握龍頭須臾放却其龍直穿廊宇騰空雷電地震滯然洪澍淹日不息皇帝恐其漂物更令止雨和上又壇上布置荷葉誦真言須臾裹之荷葉懸之樹枝頃雨竭天晴明日勅使臨房慰勞和上答曰貧道不曾疲倦彼佛子等太疲勞中使問曰何人也和上便起就樹頭即解前所裹懸荷葉即諸龍等電鳴騰空神力難識率如此類也由是一人珍敬四海稱歎如碑又西明寺翻經筆受臨壇賜紫試鴻臚少卿圓照大德云圓照自惟微賤恨以晚生大師歿年始居幼學翻譯應詔殊未識知謹依紀銘敘述前事望祛情惑無嫌廣焉博雅宏才幸無謂也聞夫至道體也無欲為先福善之徵莫大有後承其後者代有高人夫

金上表制集
有故字

示隱表制集
作隱示

贈表制集無

三表制集作

興善寺三藏即其人矣昔事先師法諱智藏承旨譯語弘闡真乘
泊肅宗臨朝彌加尊重不斥名字號曰不空此取登壇散花號也
代宗馭曆加號及官位鴻臚卿品加特進號大廣智三藏不空追
贈先師錫謚官號永泰元年歲在乙巳十一月一日乃頒制曰勅
不空三藏和上金剛三藏天資秀異氣稟冲和識洞四生心依六
度爰自西域杖錫東來梵行周身慈心濟物覺華外照智炬內明
汲引群迷證通圓寂密傳法印示隱涅槃衣鉢空存音徽長往教
能垂後禮有飾終宜旌美名俾叶榮贈可贈開府儀同三司仍贈
號大弘教三藏開府儀同三司也夫俗典有母以子貴今釋氏乃
師因弟榮萬古千秋傳之不朽又至大曆三年六月十二日有勅
度僧五人令檢校灑掃大弘教三藏塔所又同日賜御札大弘教
三藏塔額文并賜千僧供為設遠忌齋三藏修表陳謝詞具在寶

六年表制集
作七年
院上表制集
有塔字

應元聖文武皇帝批曰和上釋梵宗師人天歸仰慈悲智力拯拔
生靈廣開壇場弘宣法要福資國土惠洽有情媿厚良多煩勞申
謝後復有勅為大弘教三藏遠忌設千僧齋三藏又修表陳謝詞
惟付屬深眷徽猷薄施香茶有煩陳謝又至大曆六年六月十六
日不空三藏奏東都薦福寺大弘教三藏和上院請抽諸寺名行
右不空先師在日特蒙玄宗置上件塔院年月深久廊宇崩摧香
火闕供無人掃洒今請抽諸寺大德七人住持彼院六時懺念為
國進修三密瑜伽繼師資之舊業又奏同寺一切有部古石戒壇
院請抽諸寺名行律師七人右件戒壇院是不空和上在日捨衣鉢
興建當不空進具之日亦有誠願許同修葺不空叨承聖澤冀玉
鏡之重開觀大師之舊規望金輪之再轉今請置一切有部戒壇

院額及抽名行大德七人四季為僧數唱戒律六時奉為國修行三密法門以前特進試鴻臚卿大興善寺三藏沙門大廣智不空奏前件院抽僧及置額等請有闕續填其府縣差科及一切僧事並請放免不同諸寺謹件如前勅旨依奏梵網經云孝順父母師僧三寶孝順至道之法孝名為戒曾子曰慎終追遠仁德歸厚矣大弘教和上法流後嗣大廣智三藏追遠慎終奉國盡忠精持佛戒存沒不朽永播清徽哀勞之精懸諸萬古矣大弘教三藏所譯經都一十一卷並入開元釋教錄及貞元新定釋教錄見行于世種種靈驗兩國珍敬等具載本傳不勞煩述

尾題一無

秘密漫茶羅教付法傳卷第一終

首題一無
因起感通分
等文直接前

秘密漫茶羅教付法傳卷第二

因起感通分第一之餘

第六祖者按貞元新定釋教錄及大辯正三藏表制集等云大唐特進試鴻臚卿加開府儀同三司封肅國公食邑三千戶贈司空謚大辯正廣智不空三藏和上者南天竺國人也法諱智藏號大廣智不空金剛計當大唐神龍元年乙巳之歲而誕跡焉初母氏遇相者曰爾必當生菩提薩埵也言已便失數日之後果夢佛微笑眼光灌頂既寤猶覺室明如晝因而孕焉天假聰明幼而慕道違離父母落髮壞衣至開元六年歲在戊午年甫十四於闍婆國見大弘教三藏金剛智而師事之和上初試教悉疊章令誦梵經梵言除切一聞無墜便許入壇授發菩提心戒年甫十五與出家

誤譯
作釋恐

焉隨待南溟乘航架險驚波鼓駭如影隨形開元八年方至東洛
 十二年甲子年方弱冠於薦福寺依一切有部石戒壇所而受近
 圓律相洞閑知而不住欲學聲明論窮瑜伽宗以白先師師未之
 許夜夢佛菩薩像悉皆東行乃曰我之所夢法藏有付矣遂授以
 三密談於五智妙達經論言善唐梵隨師譯語稍得精通隨駕兩
 京應詔翻譯不離左右請益攝衣函丈問端斯須不捨開元二十
 九年秋先師入塔之後有詔為請大本金剛頂經及大本毗盧遮
 那經等最上乘教差和上及弟子僧舍光惠辯并俗弟子李元琮
 等令齋國信使南天竺龍智阿闍梨所從廣州發附船前進遇好
 風便更不停留未逾一年到師子國國王郊迎宮中七日供養以
 真金器沐浴和上肘步問安以存梵禮王諸眷屬宰輔大臣備盡
 虔敬便令安置於佛牙寺即奉遇龍智阿闍梨肘行膝步從而問

津即獻大唐國信金貝等物龍智曰吾所寶者心也非此寶也尋
 即授以十八會金剛頂瑜伽十萬頌經并大毗盧遮那大悲胎藏
 十萬頌經五部灌頂真言秘典經論梵夾五百餘部僉以為得其
 所傳矣金剛界及大悲胎藏兩部大漫荼羅法并尊樣圖等悉蒙
 指授不異瀉瓶他日王作調象戲以試和上和上結佛眼印住慈
 心定誦真言門以却之其象頓仆不能前進王甚敬異與夫指降
 醉象有何殊哉既遂所願欲歸大唐彼國王副一小使彌陀獻方
 物於大唐所謂七寶燈樹香藥等也天寶五年歲在景戌自師子
 國還玄宗皇帝延入建壇授灌頂住淨影寺于時愆亢連月有詔
 令和上祈雨和上結壇應期油雲四起霈然洪澍遂內出寶箱賜
 紫袈裟一副絹二百疋以旌神用或大風拔樹之灾祆星失度之
 珍和上舉心默念如影響焉至十二載有勅令往武威赴節度使

唯表制集作

哥舒翰請立大道場與梵僧含光俗弟子開府李元琮及使幕官
 察等授五部灌頂金剛界大漫荼羅法時道場地爲之大動有業
 障者散花不下上著于蓋并譯金剛頂眞實大教王經等一十卷
 十五載奉勅還京住大興善寺令開灌頂泊至德中肅宗皇帝行
 在靈武和上密進秘法并定撥亂收京之日遂如其言卽至德二
 載丁酉十月二十三日也和上明日陳表賀焉表詞及皇帝至廣
 德元年歲次癸卯十一月十四日和上奏爲國置灌頂道場其詞
 曰大興善寺三藏沙門不空請爲國置灌頂道場右不空聞毗盧
 遮那包容萬界密印眞言吞納衆經唯其教宜有頓有漸漸謂聲
 聞小乘登壇學處頓謂菩薩大士灌頂法門是詣極之夷途爲入
 佛之正位頂謂頭頂表大行之尊高灌謂灌持明諸佛之護念超
 昇出離何莫由斯是以尅已服勤不捨晝夜誓志鑽仰豈敢怠違

淨表制集作

冀每載夏中及三長齋月依經建立嚴淨華以開覺使有識而歸
 眞庶邊境肅清聖躬萬壽不勝懇念之至謹詣右銀臺門奉狀陳
 請以聞天恩允許請降墨勅依至永泰元年歲在乙巳四月
 二日奉詔與京城義學沙門良賁子隣飛錫等一十七人於大明
 宮南桃園翻譯仁王經等於承明殿灌頂道場皇帝執舊經對讀
 新本詔曰新經舊經理甚符順所譯新本文義稍圓斯則金口冥
 契於聖心佛日再生於鳳詔翻傳先後其在茲歟伏以三藏和上
 學藝崇深神儀秀逸瑜伽三密獨步南天專精一乘共推東夏曉
 二方之世論尤善聲明達五部之眞言妙窮法印奉詔翻譯善得
 其眞卽於資聖西明兩寺開仁王百座會是日六軍使陳天龍四
 衆八部鬼神護送新經出於大內其經適出慶雲浮空郁郁紛紛
 泊乎已午兩寺開經萬姓歡心祥雲方隱和上上表賀御製經序

及慶雲詞在傳中

寶應元聖文武皇帝批曰和上遠自蓮宮親緘貝葉敷演玄教利濟蒼生翻譯既成天人合會朗三秋之霽景開五色之祥雲闡揚真乘符契妙理頃因指喻早結師資觀此感通彌深頂敬閏十月二十三日設無遮齋以成慶散是日也資聖寺南門外陳布道場盡止一坊東西街內幕雲布幡花麗天尊容煥然光照人里飯僧既畢六樂爭陳百戲充衢不空三藏賜九百匹絹帛錦綵侍者小僧各五十匹及賜官品號曰

曰字一無

勅不空三藏蓮宮釋種香界導師性表真如學精秘藏承紺園之妙旨開示四依譯金口之微言津梁六趣身持梵匣遠涉流沙傳燈益明甘露溥潤散慈雲於火宅揚慧日於幽途頃者躬問勝因弘示方便永決疑網滋予智牙雖出塵之心齊謝於名位而褒崇

之典式旌於賢哲俾應嘉命用叶朝章可特進試鴻臚卿仍賜號

大廣智不空三藏十一月五日修表陳謝詞在傳中

皇帝批曰和上道秘雙林功超正覺遠從天竺來布真言頃得歸依親承付囑褒崇之典禮秩攸先俾增印綬之榮式重師資之敬兼申寵贈庶表追榮也

永泰元年六月十八日鄭國公杜冕奉錢一萬餘貫充給道場齋餼至大曆六年十月十二日和上因代宗皇帝降誕之辰隨表進所譯經等詞曰

沙門不空言不空爰自幼年承事先師大弘教三藏和上二十有四載稟受瑜伽法門後遊五天尋求所未受者并諸經論更重學習凡得梵本瑜伽真言經論五百餘部奉為國家詳譯聖言廣崇福祐天寶五載却至上都奉玄宗皇帝恩命於內建立道場所寶

夾表制集作

梵經盡許翻譯及肅宗皇帝配天繼聖特奉論旨於內道場建立護摩及灌頂法又爲國譯經助宣皇化累奉二聖恩勅先代三藏所有梵夾並使搜訪其中有緞索脫落便令修補其有未經翻譯者續譯奏聞伏惟陛下續承皇運大庇含靈廣闡福田重明日月恩波遠被法雨分流四海宅心萬方欣戴是知佛之付囑允在聖君不空叨承渥澤榮幸實深切自思之如何報國奉先皇聖制令聞微言又奉陛下恩命恭遵遺旨再遣翻譯利濟群生雖復四時精勤未酬萬一是以區區於日夕詳譯真言及大乘經典冀効涓微上資皇道其所譯金剛頂瑜伽法門是成佛速疾之路其修行者必能頓超凡境達于彼岸餘部真言諸佛方便其徒不一所譯諸大乘經典皆是上資邦國息滅災厄星辰不愆風雨順叙仰恃佛力輔成國家謹續集前後所翻譯訖者自開元至今大曆六年

續錄並表制
集作續○今
錄作令

凡一百一卷七十七部并目錄一卷及題筆受僧俗名字繕寫已訖謹因降誕之辰謹具進奉庶得真言福祐長護聖躬大乘威力永康國界其未翻梵本經中但有護持於國福潤生靈者續譯奏聞不勝虔誠之至謹奉表以聞沙門不空誠惶誠恐謹言
寶應元年文武皇帝批曰和上夙事先朝弘闡妙教演茲貝葉廣示迷津朕嗣續不圖恭承睿旨和上再加詳譯今卷軸續畢永濟生靈深可嘉歎仍宣付中外編入一切經目錄
至其月二十二日中使李憲誠奉宣勅旨天德比翻譯多勞也不空三藏宜賜錦綵絹等共八百匹同翻經十大德各賜綵三十匹敬問諸大德漸寒各得好在時大德等明日謝聞錄中至大曆七年正月二十七日有墨制特許所譯經流行天下和上陳表奉謝

詞在錄中

布武 文明保护基金会

www.docsriver.com商家布武古籍

爰一作受

皇帝批曰。和上久證菩提。入佛知見。所翻經典。皆洞精微。爰命施行。式傳惠照。願示寰宇。廣濟含靈。永光慈航。煩至陳謝也。又至其年十月十六日。和上奏京城及天下僧尼寺。內各簡一勝處。置大聖文殊院。及天下食堂。內賓頭盧。上以文殊為上座。勅旨依奏。

中錄

云一作曰

撰錄者云。大廣智不空三藏和上。本諱智藏。號不空金剛。梵曰。河目佉跋。曰羅。二合本西域人也。昔事大弘教金剛智三藏和上。稟受真言。二十四年。攜衣請益。大師歿後。還詣五天。梵本。瑜伽備皆披閱。周遊徧覽。旋赴帝京。或化河西。或居嶺表。或居關內。或處王宮。翻譯真經。不遑寢食。屬天寶末歲。胡馬入關。至德二年。尅復京洛。和上親承聖旨。為灌頂師。妃主降階。六宮羅拜。三朝龍遇。恒建道場。詳考幽微。卷不釋手。內宮譯者。隨意上聞。或已宣行。或留中

赴一作起恐寫誤

禁其已得者。具錄如前。其未獲者。一心求訪耳。和上精勤不怠。多歷歲時。泊大曆九年。示有微疾。制使勞問。天降名醫。針藥相仍。曉夕繼至。疾將未損。宸極不安。皇帝親臨。臥房賜以官封。其詞曰。大曆九年六月十一日。勅。大道之行。同合於異相。王者。至理。德歸於正法。方化城之齊致。何儒釋之殊途。故前代帝王。罔不崇奉。法教弘闡。與時偕行。特進試鴻臚卿。大興善寺。三藏沙門。大廣智不空。我之宗師。人之舟楫。超詣三覺。坐維於見取。修持萬行。常示於化滅。執律捨縛。護戒為儀。繼明善教之志。來受人王之請。朕往在先朝。早聞道要。及當付囑。常所歸依。每執經內殿。開法前席。憑几同膠序之禮。順風比。崆峒之問。而妙音圓演。密行內持。待扣如說。自涯皆晤。滌除昏妄。調伏魔冤。天人洗心。於度門。龍鬼受職。於神印。固以氣消災厲。福致吉祥。實惟弘我之多寧。止利吾之美嘗。有

爲師貞元錄
表制集○思
大本表制集作

四錄作三

徂表制集作

質錄作資
掩掩錄作奄
奄○浸表制
集作癡

命秩用申優禮而得爲師盛味道滋深思復強名載明前志夫妙
界有莊嚴之士內品有果地之殊本乎尚德敬順時典可開府儀
同三司仍封肅國公食邑三千戶餘如故
至十五日和上修表上辭文曰沙門不空言不空幼事先師已過
二紀早承天澤四十餘年演瑜伽之法門奉累聖之恩躬自從陛
下臨御殊私轉深賜黃閣以宴居降紫微而問道積恩重疊日月
相繼雖復精懇豈酬萬一而露電難駐蒲柳易衰一從伏枕自春
徂夏陛下深暍存問再三中使名醫相望道路但以膏肓之病雖
針藥而難生生滅之質寧戀惜而能固忽從昨夜已來頓覺氣力
彌憊身非已有瞬息掩掩心神浸微遠謝聖朝不任戀慕不空今
者年過中壽未爲天逝但以往時越度南海周遊五天尋其未聞
習其未解所得金剛頂瑜伽十萬頌諸部真言及經論等五十餘

甲表制集作

夾

光一作先

宜上表制集
有并字

踊表制集作
慕又無無筭
二字

萬頌冀德翻譯少答國恩何夙願之未終忽生涯之已盡此不空
所以爲恨也伏惟陛下降諸佛之慈惠下從人之所願不空先進
大聖文殊佛刹經聖情尋許頒示中外伏願哀愍念臨終之一言
冀福皇家滋吉祥之萬劫實爲僧人生死榮幸五銛金剛鈴杵先
師所傳并銀盤子菩提子及水精念珠并合子謹隨表進奉臨紙
涕泣悲淚交流永辭聖代不勝戀慕之至謹附監使李憲誠奉表
陳辭以聞沙門不空誠悲誠戀謹言
皇帝批曰和上行登十地來自五天敷演瑜伽宣流梵甲周遊萬
里踐歷三朝光譯聖言親承師授當下武之興運繼前薪之火傳
而弘菩薩心爲衆生病彌留有問震悼增深宜依所請也
爾時和上上表陳情聖恩垂涕墨制旋降所請皆依利上情意獲
申一心觀行右脇累足恬然而薨弟子號踊無筭中使奏聞聖上

廢一作轍

震悼殊深。廢朝三日。爰降中使。詣于僧伽藍宣慰。衆徒乃錫。轉贈絹三百匹。布二百端。白粳米五車。白麵亦爾。柴十車。油七石。炭三車。並如京宣索。二十八日。勅內侍韋守宗。送絹七百五十四。充爲和上造靈塔。直七月五日。追贈司空及錫謚號。詞曰：

勅。寂滅爲樂。所以歸於眞。付囑有緣。所以尊其稱。循諸故事。其或強名。故開府儀同三司。特進試鴻臚卿。肅國公。大興善寺三藏大廣智不空。德盛道高。朕所師仰。心密法印。行超度門。精微有說。廣大無相。一雨之潤。溥洽於群生。百燈所傳。遍明於正覺。傍達義趣。博通儒玄。聖人之情。合若符契。朕順風前席。積有歲年。慈航不留。梁木其壞。微音永隔。震悼殊深。論道之官。追嚴師禮。仍加謚號。用副名實。可贈司空。仍謚號大辯正廣智不藏三藏和上。泊六日癸卯。陳設葬儀。遷神城南。茶毗供養。皇帝遣內給事劉仙鶴。以香茶

繼一作微

植表制集作

昭表制集作

之奠。敬祭于大辯正廣智三藏和上之靈。文曰：

維大曆九年歲次甲寅七月戊戌朔六日癸卯。皇帝遣內給事劉仙鶴。以香茶之奠。敬祭于故大辯正廣智三藏和上之靈。惟靈智識明暗。天姿聰達。夙植梵行。生知勝因。挺秀五天。周遊萬里。心蘊海藏。音通華夷。貝葉傳經。瑜伽演教。弘利兆庶。出入三朝。道在不言。理均無迹。涅槃常寂。至聖同歸。焚香澡身。與化而盡。朕頃承了義。禮具師資。永訣之辰。攸深震慟。香茶之奠。有靈照之。

是日也。宰臣中貴神策六軍。御史大夫。及京兆尹。尚書僕射。侍郎列卿。諸衛將軍。各申奠祭。其餘縑素不可具。陳七日。平晨。弟子僧惠朗等。修表謝。表詞及批。同日。又奉勅。語僧惠朗。專知檢校院事。兼及教授後學。一尊一契。有次第者。聞奏。又奉勅。語僧惠勝。和上在日。阿師子偏得意旨。今聞於塔所焚香火。守護先於和上邊受。

寺上表制集
有諸字

得普賢念誦法。與朕同尊。努力精脩。三年滿後。即來對朕。與商量本尊法。所請依住。是時也。內出香木茶毗和上。火滅已後。收得遺身。皆有舍利。光相瑩淨。皎若瑠璃。具以上聞。聖情哀感。內宮稽首。置在道場。至十五日。又勅語。勾當京城寺觀。脩功德。使開府儀同三司右龍武軍大將軍知軍事上柱國涼國公李元瑑。故大辯正廣智不空三藏和上塔所脩造。宜令且停別擇好地。起修。泊八月二十八日。又勅語。元瑑故大辯正廣智不空三藏和上茶毗得舍利。令於當寺院起舍利塔。至造塔畢。建立豐碑。其文曰

大唐大興善寺大辯正廣智三藏國師之碑銘並序

銀青光祿大夫御史大夫上柱國馮翊縣開國公嚴郢撰

銀青光祿大夫彭王傳上柱國會稽郡開國公徐浩書

和上諱不空西域人也。氏族不聞。於中夏故不書。玄宗燭知至道。

右通載作祐
病通載作疾

齊表制集作

萬法通載作
法藏
邊通載作
蕩蕩
則通載作即

特見高仰。訖肅宗代。宗三朝皆為灌頂國師。以立言德祥開。右至尊。代宗初。以特進大鴻臚。褒表之。及示病不起。又就臥內。加開府儀同三司。肅國公。皆牢讓不允。特賜法號曰大廣智三藏。大曆九年夏六月癸未。滅度於京師。大興善寺代宗為之廢朝三日。贈司空。追諡大辯正廣智三藏和上。茶毗之時。詔遣中謁者齊祝父祖。祭申如在之敬。睿詞深切。嘉薦令芳。禮冠群倫。譽無與比。伊年九月。詔以舍利起塔於舊居寺院。和上性聰朗。博貫前佛萬法。要指緇門。獨立邊。其無雙。稽夫真言字義之憲度。灌頂升壇之軌迹。則時成佛之速。應聲儲祉之妙。天麗且彌。地普而深。固非末學所能詳也。敢以概見。序其大歸。昔金剛薩埵親於毗盧。遮那佛前。受瑜伽最上乘義。後數百歲。傳於龍猛菩薩。龍猛又數百歲。傳於龍智阿闍梨。龍智傳金剛智阿闍梨。金剛智東來。傳於和上。

地通載作至

法上通載有師字
而字一無
光通載作儀
有通載作起

又西遊天竺師子等國詣龍智阿闍梨揚推十八會法化相承自毗盧遮那如來地於和上凡六葉矣每齋戒留中道迎善氣登禮皆答福應較然温樹不言莫可記已西域隘巷狂象奔突以慈眼視之不旋踵而象伏不起南海半渡天吳鼓駭以定力對之未移晷而海靜無浪其生也母氏有毫光照燭之瑞其歿也精舍有池水塌涸之異凡僧夏五十享年七十自成童至于晚暮常飾供具坐道場浴蘭焚香入佛知見五十餘年晨夜寒暑未曾須臾有傾搖懈倦之色過人絕遠乃如是者後學升堂誦說有法者非一而沙門惠朗受次補之記得傳燈之旨繼明佛日紹六為七至矣哉於戲法子永懷梁木將紀本行託余勒崇昔承微言今見几杖光容眇漠壇宇清愉纂書照銘小子何攘銘曰
嗚呼大士有我三宗道為帝師秩為儀同昔在廣成

軒一作斬

箕一作費

偈通載作碼

誤一作曆恐

軒后順風歲逾三千復有肅公瑜伽上乘真語密契六葉授受傳燈相繼述者牒之爛然有第陸伏狂象水息天吳慈心制暴慧力降愚寂然感通其可測乎兩楹夢奠雙樹變色司空籠終辯正旌德天使祖祭宸衷悽惻詔起寶塔舊庭之隅下藏舍利上飾浮屠跡殊生滅法離有無刻石為偈傳之大都
建中二年歲次辛酉十一月乙卯朔十五日己巳建撰錄者論曰自古高僧碩德寵遇殊恩生時則榮歿則已矣今大辯正三藏和上則不如是生承恩渥歷事三朝授以列卿品加特進及臥疾也宸儀曲臨勞問相仍中使名醫晨夕相繼特加開府封肅國公泊乎薨焉上彌震悼輟朝三日錫贈增優授以司空謚大辯正仍號和上先古未聞城外茶毗寺中起塔不日不月悉成

尚一作上

就焉兼樹豐碑，記其德行冠絕。今古首出，僧倫亞相，作文王傳書字，斯乃萬代不朽也。和尚屬翻經度僧，及諸佛事，所上表奏并皇帝答批等德，有一百四十四首。大辯正廣智三藏表制集所載是也。所翻經都一百五十卷，並盛行于世。

第七祖法諱惠果阿闍梨耶，俗姓馬氏，京兆昭應人也。故大興善寺大廣智不空三藏之付法入室也。髻亂之日，隨大照禪師見三藏三藏乍見驚曰：此兒有密藏器，稱歎不已。竊告之曰：汝必當興我法，撫之育之不異父母。即授三昧耶佛戒，許之受職灌頂位。口授大佛頂大隨求梵本，普賢行願文殊讚偈，和尚稟氣冲和精神爽利，均顏回之知，十同頂託之詰。孔龍駒之子，驥子之兒，寧得比肩乎。年甫十五，稍得靈驗，代宗皇帝聞之，迎入命之曰：朕有疑滯，願為解之。和尚即令兩三童子依法加持，請降摩醯首羅天，法力

不思議，故即遍入童子。和尚白王言：法已成，隨聖意請問。皇帝下座問天，則說三世事，委告帝王曆數。皇帝歎曰：龍子雖小，能起雲雨，釋子雖幼，法力降天入瓶，小師於今見矣。即錫絹綵，以旌神用。從爾已後，飛龍迎送，四事優供，年登弱冠，進之具足。四分兼學，三藏該通，金剛頂五部大漫荼羅法，及大悲胎藏三密法門，真言密契悉蒙師授。即授兩部大法，阿闍梨位毗盧遮那根本最極傳法，密印三藏告曰：吾百年後汝持此兩部大法護持佛法，擁護國家，利樂有情。此大法者，五天竺國太難得見，一尊一部不易得，何況兩部乎。所有弟子其數雖多，或得一尊，或得一部，慙汝聽利精勤，許以兩部，努力精進，報吾恩也。故三藏遺言中云：吾普告四衆弟子等，大教德持，浩汗深廣，瑜伽秘密誰測其源，吾自髻亂出家，依師學業，討尋梵夾，二十餘年晝夜精勤，伏膺諮稟，方授瑜伽四

千頌法，奈何積疊深重，先師壽終，栖託無依，憑何進業，是以遠遊天竺，涉海乘危，遍學瑜伽，親禮聖跡，得二十萬法藏，印可相傳來歸，帝鄉福地，行化然一朝供奉，為三代帝師，人主盡授，瑜伽密傳法契，爰自今聖弘教，最深，十八會，瑜伽盡皆建立，三十七聖眾，一修行，每入道場，依時念誦，九重萬乘，恒觀五智之心，闕庭百寮，盡持三密之印，吾當代灌頂三十餘年，入壇授法，弟子頗多，五部琢磨，成立八箇，淪亡相次，唯有六人，其誰得之，則有金闍，含光，新羅，惠超，青龍，惠果，崇福，惠朗，保壽，元曉，覺超，後學有疑，汝等開示法燈，不絕，以報吾恩，孔宣三千德行，四人，廣智，數萬印可，八箇，就中七人，得金剛界一部，青龍則兼得兩部，師位是故，代宗德宗及以南內三代，皇帝以為灌頂國師，天曆十年十一月十日，皇帝恩賜錦綵等，和尚即表謝詞曰：

曉一作啟恐寫誤

各表制集作

今古版本作

沙門惠果言，伏奉今月九日中使李憲誠奉宣進止，賜微僧錦綵各二十疋，捧對忻懼如山，壓己，惠果幸逢休明，叨承聖澤，聚沙之歲，則事先師二十餘年，執侍巾錫，瑜伽秘密之宗，大悲胎藏之要，特蒙教誨，偏承意旨，令為國晝夜修行，微僧是以破膽竭肝，亡形殉命，斯須不間，祈誓懇誠，將酬雨露之恩，冀答殊私之造，無任撲躍之至，謹附表陳謝以聞，沙門惠果誠歡誠恐，謹言

皇帝批曰，和尚遺教，闍梨克遵，秘密之宗，流傳弟子，覽師精懇，表以勤勞，薄錫緋緇，以崇香火也，所謝知如是，屬諸祈雨，祈雪，攘災，致福，所上表謝答批等，不能具載，和尚貞元二十年於醴泉寺為弟子僧義智，建立金剛界，大漫荼羅，及拈布尊位，于時般若三藏及諸大德等集會法筵，和尚拈尊位，訖則手把香鑪，口說要誓云，若使我今所置尊位，與法相應者，天忽降雨，所有眾德諸弟子等

代師流汗言了，則雷雨滂沱，人皆感伏，歎未曾有。般若云：所謂阿毗跋致之相，即是當之也。又訶陵國僧辯弘，在本國日誦持如意輪、瑜伽，稍得法力。忽聞大毗盧遮那大悲胎藏大漫荼羅法，在南天竺。切慕受學，即向南天竺路中，忽遇一人，問曰：公何處去？答曰：聞舊南天竺有胎藏大法，心慕受學，所以裝束取路。彼人報云：彼法者，不空金剛阿闍梨將去，傳大唐國。彼弟子惠果阿闍梨，今見在長安青龍寺傳授。若住彼所，必合受，不然者，難得。言畢不見。即知神人更却，向大唐。遂詣青龍寺，奉遇和尚委陳來意，即奉獻七寶灌頂瓶一口、銅鉢一口及商佉三口及諸名香等，和尚為開灌頂傳授胎藏大法。彼辯弘今見住汴州，宣傳秘輪如是神驗。觸途稍多，不可具載。至永貞元年歲次乙酉十二月十五日，告以微疾，示之有終。於京都青龍寺東塔院，元和元年正月十六日葬于城東。

四衆合會，悲感動天。于時有山人逸士吳愨，略修和尚行狀，曰：

大唐神都青龍寺東塔院灌頂國師惠果阿闍梨行狀 弟子吳愨纂

大師法諱惠果，俗姓馬氏，京兆昭應人也。故大興善寺大廣智不空三藏之法化也。地含秀氣，誕此英靈。天降奇才，輔我王室。膺賢劫之一運，開愚迷之群心。大師童稚，事師幼而勤學，長參暮詣，不倦於心。年未髻亂，持大佛頂表其靈驗，種種神變，凡所觀者，咸皆乞然。年及弱冠，具波羅提目叉，其護戒也。鵝珠草繫，其安禪也。鳥栖樹生，初秉四分律。後三密灌頂，登金剛頂，超須彌盧，入法界宮。開大悲藏，得一乘之妙旨。聲振五天，蘊萬德於心源。行超十地，三藏聖教悉皆洞曉。五部秘法，詣極決擇百千。真言日夕諷持，萬億密印四時修念。陽將亢也，即祈時霖。滂也，即止藥。嚙擊天衆，呼吸

從風跋難陀龍王所求速應。益伏愛息得深悉地。意生法事無不
瑜伽。是故三朝師尊。四衆依學。出入金殿。奉對紫極。敷演秘法。宣
布妙理。四十餘載矣。大師唯一心於佛事。不留意於持生。所受錫
施不貯一錢。即建立漫荼羅。願之弘法利人。灌頂堂內浮圖塔下。
內外壁上悉圖繪金剛界及大悲胎藏兩部。大漫荼羅及一一尊
漫荼羅。衆聖儼然似華藏之新開。萬德輝耀。還密嚴之舊容。一觀
一禮消罪積福。常謂門人曰。金剛界大悲胎藏兩部大教者。諸佛
秘藏。即身成佛之路也。普願流傳法界。度脫有情。詞陵辯弘新羅。
惠日並授胎藏師位。劍南惟上河北。義圓授金剛界大法。義明供
奉亦授兩部大法。今有日本沙門空海來求聖教。以兩部秘奧壇
儀印契。漢梵無差。悉受於心。猶如瀉瓶。此是六人堪傳吾法燈。吾
願足矣。日出月沒。油盡燈滅。物之常也。菩薩不住如來也。滅吾亦

還古版本作
連

庶幾不如歸真。即以永貞元年十二月十五日五更去。世春秋六
十。法夏四十。嗚呼法眼既滅。嬰學何悲。大漫荼羅失其教主。滿空
聖衆容爲慘然。仰思教旨。無由奉誨。空增悲恨。痛不自勝。哀號哽
咽。不獲具題。誘接多門。萬未述一粗陳。一二懸之不朽。

元和元年正月三日

第三問答決疑者。溺派子問了本師曰。如來正法者佛。所懸記傳
法。聖者迦葉阿難等師師相付。誠有憑據。今所謂秘密佛乘者。如
汝所言。如來滅後八百年中。龍猛菩薩入南天。鐵塔受金剛薩埵。
龍猛得此法時。一人受耶爲當。有同受人耶。一切經首皆列同聞
衆。爲決如是疑滯。爾明言了本師答。金剛智三藏說。如來滅後有
一大德名龍猛。先持大毗盧遮那真言。毗盧遮那佛而現其身。現
無量身於虛空中。說此法門及文字章句。次第令寫。訖即滅。即毗

盧遮那念誦法要一卷是也。時龍猛大德持誦成就。卽至南天竺大菩薩藏塔前。願開此塔。於七日中。遠塔念誦。加持白芥子。打此塔門。至第七日。塔門乃開。塔內諸金剛神一時踴怒。不令得入。唯見塔內香燈光明。一丈二丈。名花寶蓋。滿中懸列。又聞讚聲。時此菩薩至心懺悔。發大誓願。諸金剛神出來問曰。汝有何事。答曰。如來滅後。邪林繁鬱。大乘欲滅。聞之。此塔中有三世如來一切法藏。願受持利濟群生。金剛命入。入已。其塔尋閉。觀其內。卽法界宮殿。毗盧遮那現證。寧都波是也。三世諸佛諸大菩薩。所謂普賢文殊等。皆住其中。卽蒙金剛薩埵等灌頂。加持誦持。所有秘密法門。宣布人間。又如前說楞伽經。如來懸記。是其明證。彼經曰。我乘內證智。妄覺非境界。如來滅後。誰持爲我。說如來滅度。後未來當有人。大惠汝諦聽。有人持我法於南大國。中有大德比丘名龍樹。菩

薩能破有無見爲人說。我乘大乘無上法。是其證也。又曰。雖有斯文。無同聞衆。何可信受。答華嚴經亦是此菩薩入龍宮誦持所傳。此經亦不足信受。耶。又如汝言。瑜伽論不合信受。何者。斯論者西域記云。如來滅後一千年中。有一菩薩名無著。夜昇天宮。於慈氏菩薩所受。瑜伽師地論莊嚴論中。邊分別論等。畫爲大衆講宣妙理。又或曰。彌勒夜分下無著室。說此論等。無著聞受時。曾無同聞人。何故。舉世奉行乎。溺派子曰。此是金剛智三藏之口說。無經論誠文不足信。受了本師曰。經中明鑒。前已陳訖。縱使雖無經證。何不信受傳法。聖者言乎。若不信三藏口說者。立非三藏所記。西域記等亦不合信。何。以故。立非三藏遊天竺之日。都無從者。隨自見聞載之。翰墨緣傳法者。不妄語信其事而已。然前所述。事略載金剛頂義訣中。溺派子問曰。此鐵塔狹少。法界無邊。何得稱此塔中。

即是法界了本師答子所疑有道理夫蟪蛄不見大鵬鯉鯉何信巨鯢然粗爲子說宜莫驚怪諸佛威神大士所爲汝不曾聞乎維摩經說住不思議解脫菩薩威神力者一毛端納四大海小芥子藏大須彌又華嚴說一塵中有塵數刹一一刹有難思佛一一佛處衆會中我見恒演菩提行普盡十方諸刹海一一毛端三世海又云十方所有佛盡入一毛孔各各現神通智眼能觀見毗盧遮那佛願力周法界一切國土中恒轉無上輪如是難信之事諸佛境界非聲聞緣覺之所能知子未脫具縛寧得能入乎如是深法以信能入思量分別何得其底又人有愚智器亦頓漸頓機能信漸人何得又問此塔者爲人功所造乎爲當如何答此塔者非人力所爲如來神力所造又問此塔中所有法藏者爲釋迦如來所說耶爲何佛說乎答非釋迦所說何以故應化佛不說內所證法

一無卷第二
三字

故問若非應化佛說爲法身說答說此有二義如法身說法章說秘密漫荼羅教付法傳卷第二

古版本與書

昔寬永八年辛未年九月廿一日染紫毫了 備州深識
於高野山尾州丹羽郡住丹下左平次淨善開板

新校本與書

明治十四年十一月八日出版御屆 同年同月廿五日出版
眞言宗法務所藏版 出版人 右幹事 大講義 土宜法龍

編者曰右秘密漫荼羅教付法傳二卷以東寺實菩提院所藏寬永八年古版本一部二卷付法傳見聞集運教一部五卷并明治十四年新校本一卷校合畢檢開貞二錄表制集等同異頗多恐繁不校要覽者往檢

真言二字版
本作略字

真言付法傳

第一高祖號曰常住三世淨妙法身法界體性智摩訶毗盧遮那
如來也。金剛頂經說是薄伽梵遍照如來以五智所成四種法
身於本有金剛界自在大三昧耶自覺本初大菩提心普賢滿月
不壞金剛光明心殿中與自性所成眷屬金剛手等十六大菩薩
及四攝行天女使金剛內外八供養金剛天女使十佛刹微塵數
乃至不可說不可說微細法身秘密心地超過十地身語心金剛
自受法樂故各各說自所證聖智境界三摩地法楞伽所謂法佛
說法者離心相應體故內證聖行境界故大惠是名法佛說法之
相者是也如是法身智身二種色相平等平等遍滿遍滿一切衆
生界一切非情界常恒演說真實語如義語鼻茶羅法教即是楞

密東寺本作
蜜下皆同

曰字一無

自上依字一
無

感版本作或
非也
法下版本有
及字又益下
有也字

法下版本有
及字

伽所謂真實說法者是也般若論曰應化非真佛亦非說法者蓋
爲此乎應化佛報佛法性佛所說教法各各不同故金剛頂瑜伽
經說如來變化身於闍浮提摩竭陀國菩提道場成正覺爲地
前菩薩聲聞緣覺凡夫說三乘法或依他意趣說或依自意趣
說種種根器種種方便如法修行得人天果報或得三乘解脫果
或進或退於無上菩提三無數大劫修行勤苦方得成佛王宮生
雙樹滅遺身舍利起塔供養感受人天勝妙果報及涅槃因釋迦
如來說不同報身毗盧遮那於色界頂第四禪阿迦尼吒天宮雲
集盡虛空遍法界一切諸佛十地滿足諸大菩薩證明警覺身心
頓證無上菩提此顯報身佛自受用佛從心流出無量菩薩皆同
一性謂金剛性對遍照如來受灌頂職位彼等菩薩各說三密門
以獻毗盧遮那及一切如來便請加持教勅毗盧遮那佛言汝等

法下版本無及字
薩東寺本作
提恐寫誤
是版本作足

將來於無量世界為最上乘者，令得現生世出世間，悉地成就。彼諸菩薩受如來勅，已頂禮佛足，圍遶毗盧那遮佛，已各還本方本位，成為五輪持本標幟。若見若聞，若入輪壇，能斷有情，五趣輪轉生死業，此表自受用佛及自性佛說法及得益此法性身所說法教，是名秘密真言藏。即是一切如來秘奧之教，自覺聖智修證法門，亦是菩薩具足受淨戒，無量威儀，入一切如來海會壇受菩薩職位，超過三界受佛教勅，三摩地門，具是因緣，頓集功德廣大智慧，於無上菩提，皆不退轉離諸天魔一切煩惱及諸罪障，念念消融證佛四種身，謂自性身受用身變化身等流身，滿足五智三十七尊不共佛法門，大日如來普遍常恒，雖演說如是，唯一金剛秘密最上佛乘大勇茶羅法教，而非機非時，不得聽聞信受修行流傳，必待其人，必得其時，誰能弘者，則有七箇大阿闍梨耶。自大日如來至青龍

邪東寺本作
耶下皆同

阿闍梨嫡嫡相續，迄今不絕。斯則如來加持力之所致也。第二傳法祖，喇囉囉囉摩訶薩，唐云金剛薩金剛頂經說，是金剛薩埵親對法身如來海會受灌頂職位，則說自證三密門，以獻毗盧遮那及一切如來，便請加持教勅，毗盧遮那如來言，汝等將來於無量世界為最上乘者，令得現生世出世間，悉地成就。是故持五智之金剛，振般若之鈴鐸，驚長眠，三有受法樂，十方遂乃釋迦如來掩化之後八百年中，灌頂龍猛傳受秘法，其後印度支那及與日本三密之教師師傳授，拔濟群生。第三祖名曰那伽闍刺樹那菩提薩埵，唐言龍猛菩薩舊云龍樹迹，南天化被五印尋本，則遍覆初生如來現迹，則位登初地，初者本初或遊地謂心地邪林而同塵同事，或建正幢，以宣揚佛威，作千部論，摧邪顯正，上遊四王自在處，下入海中龍宮，誦持所有一切法門，遂乃入南天

鐵塔中親授金剛薩埵灌頂誦持秘密最上身茶羅教流傳人間。楞伽摩耶等經如來所懸記則是人也。彼楞伽經說我乘內證智。妄覺非境界。如來滅世後未來當有人於南大國中。有大德比丘名龍樹菩薩。能破有無見。為人說我乘大乘無上法。出現八百年住壽三百歲。傳顯弟子提婆。居首秘密法化龍智入室。師資傳燈于今不絕。諸宗始祖蓋此一人歟。

第四祖號曰龍智菩薩。亦名普賢。即龍猛菩薩付法之上足也。位登聖地。神力難思。德被五天。名熏十方。上天入地。無導自由。或住南天竺弘法。利人或遊師子國勸接有緣。故立并三藏行狀云。南天竺禪迦國菴羅林中。有一長命婆羅門。年七百餘歲。觀其面兒可稱甘許。明中百論等云。龍猛菩薩弟子法師就停學中百論等。及受諸經等。又貞元錄云。龍樹菩薩弟子名龍智。年七百餘歲。

云下版本有是字

版本脫門字

今猶見在南天竺國傳授金剛頂瑜伽經及毗盧遮那德持陀羅尼法門。五部灌頂諸佛秘密之藏。及諸大乘經論等。又大辨正三藏表制集曰。昔毗盧遮那佛以瑜伽無上秘密最上乘教。傳於金剛薩埵。金剛薩埵數百歲。方得龍猛菩薩。而傳授焉。龍猛又數百歲。乃傳龍智。阿闍梨。龍智又數百歲。傳金剛智。阿闍梨。及不空。阿闍梨。貧道。大唐貞元廿二年。於長安醴泉寺。聞般若三藏及牟尼室利三藏。南天婆羅門等說。是龍智阿闍梨。今見在南天竺國傳授秘密法等。

第五祖名跋曰。離冒地。唐云金南印度摩賴耶國。婆羅門種。誕育靈奇。幼有神異。懇請於父。求之入道。年甫十歲。於那爛陀寺。依寂靜智出家。學聲明論。十五學。法稱論。二十受具戒。六年學大小乘律。又學般若燈論。百論。十二門論。二十八就勝賢論師。學瑜伽論。

東寺所藏金剛智影贊刻落尤甚不可讀一字
受具戒版本作受具具戒四字

布武 文明保护基金会

www.docsriver.com商家布武古籍

即版本作乃
廣又光作先

唯識論辨中邊論經三年卅一往南天竺於龍樹菩薩弟子名龍
智年七百餘歲今猶見在經七年承事供養受學金剛頂瑜伽經
及毗盧遮那惣持陀羅尼法門諸大乘經典并五明論受五部灌
頂諸佛秘密之藏無不通達兼解九十四書尤工秘術妙閑粉繪
每至飲食天厨自陳金剛薩埵常現於前觀音菩薩應現而作是
言汝之所學今已成就可往大唐國禮謁文殊師利菩薩彼國於
汝有緣宜往傳教濟度群生承是聖告遂入大唐開元八年初到
東都所有事意一一奏聞奉勅處分使令安置四事供養於是廣
弘秘教建曼荼羅依法作成皆感靈瑞沙門一行欽斯秘法數就
諮詢和尚一一指陳後為立壇灌頂一行敬受此法請譯流通即
翻譯瑜伽念誦法四卷七俱伽經等廿九年八月十五日於東都
薦福寺遷化至天寶二年二月七日有勅於奉光寺西崗起塔安

公下版本有
位字衍也影
贊無之
法字原無依
東寺本並版
本補
最字版本無

置和尚從捨家入道至觀牛證滅所有應驗觸途繁多具如別傳
代宗馭曆錫謚官號其制曰勅不空三藏和尚金剛三藏天資秀
異氣稟冲和識洞四生心依六度爰自西域杖錫東來以梵行固
身慈心濟物覺華外照智炬內明汲引群迷證通圓寂密傳法印
示隱涅槃衣鉢空存音徽長往教能垂後禮有飭終宜旌美名俾
叶榮贈可贈開府儀同三司仍贈號大弘教三藏開府儀同三司者一品也

永泰元年十一月一日

第六祖大唐特進試鴻臚卿加開府儀同三司封肅國公食邑三
千戶贈司空謚大辯正廣智不空三藏和尚者南天竺國人也法
諱智藏號大廣智不空金剛故南天竺阿闍梨金剛智之法化也
昔毗盧遮那佛以瑜伽無上秘密最大乘教傳於金剛薩埵金
剛薩埵數百歲方得龍猛菩薩而傳授焉龍猛又數百歲乃傳龍

東寺本無贊
字脫也影贊
可證
東寺本無許
字原本無所
而字原無依
東寺本並依
本補

宜版本作直

智阿闍梨龍智又數百歲傳金剛智阿闍梨金剛智振錫東來傳
於和尙自法身如來至于和上傳此道者六人而已矣和尙童孺
出家聰明卓異服勤精苦晝夜不息經耳聞目成誦無遺聞一知
十若有神智先師歎言吾道東矣先師既歿和尙遂泛海遊南天
竺師子等國詣龍智阿闍梨許更得瑜伽十八會法五部秘藏三
乘遺典莫不究其精奧焉貌與人同而心與佛齊矣天寶初歸至
上都玄宗深敬遇之遂為三代國師出入禁闈聖上每延至內殿
順風請益立言啓沃宗仰日深大曆九年示疾而臥詔使結轍侍
醫膏藥無虛日焉恩旨就臥加開府儀同三司依前試鴻臚卿封
肅國公食邑三千戶累讓不免至六月十五日忽沐浴蘭湯換潔
衣服抗表辭主奄然而化春秋七十矣夏臘五十矣聖上追痛廢
朝三日和尙所居寺有荷池周廻數十畝旁無灌注中湧宣泉醴

贊曰以下影
贊剝落不可
讀
望版本作豐

脫恐脫歟

傳法浩劫東
寺本作傳劫
劫三字版本
作傳浩劫本
焉取斯三本
皆難解

甘鏡清冬夏常滿及和尙遷化之日池水先夕而涸與夫雙林變
白事異而感同矣夫法體堅固無來無去應俗緣則現於人世證
道品則歸於涅槃豈常情之所能測乎贊曰

天子灌頂 阿遮梨耶 道傳上國 家本耆闍 其望如龍

其人如玉 貝多在手 梵字假矚 心同皓月 光映碧池

蟬脫而去 麟臺畫之 三密寂寥 九重哀悼 笳簫駟馬

皆承明詔 萬里雲慘 千山松悲 蒼蒼何忍 奪我宗師

瞻雪顏則 無示無說 傳法浩劫 斯焉取斯

第七祖法諱惠果俗姓馬氏京兆昭應人也故大興善寺大廣智
不空三藏之付法也髻亂之日隨大昭禪師見三藏三藏乍見驚
曰此兒有密藏器稱歎不已汝必當興我法撫之育之不異父母
即授三昧耶佛戒許之受職灌頂位口授大佛頂大隨求及梵本

追影贊及諸
本皆如此性
靈集作迎

帝皇原作皇
帝依影贊改
少東寺本並
版本作小

金剛頂瑜伽經并大日經等。和尙稟氣冲和。精神爽利。均顏回之
知十。同項託之詰。孔年甫十五。稍得靈驗。代宗皇帝聞之。追入命
之。曰。朕有疑滯。願爲解之。和尙加持童子。鈎召大自在天。法力不
思議。故即遍入童子。皇帝一一問之。天即隨答。委說三世幽事。帝
皇曆數。皇帝歎曰。龍子雖少。能起雲雨。釋子雖幼。法力降天。入瓶
小師於今見矣。從爾已後。飛龍迎送。四年優給。年登弱冠。進之具
足。四分兼誦。三藏該通。金剛頂五部大曼荼羅法。及大悲胎藏三
密法門。眞言密契。悉蒙師授。即授兩部大法。阿闍梨位。毗盧遮那
根本最極傳法。密印三藏告曰。吾百年後。汝持此兩部大法。護持
佛法。擁護國家。利樂有情。此大法者。五天竺國太難得見。一尊一
部。不易得。何況兩部乎。所有弟子。其數雖多。或得一尊。或授一部。
慙汝聰利精勤。許以兩部。努力精進。報吾恩也。是故三藏遺書云。

闍原作闍東
寺本亦然依
福本改
下壽下東
寺本並版本
無寺字

亦東寺本並
版本作也

吾當代灌頂廿餘年。入壇授法。弟子頗多。五部琢磨。成立八箇。淪
亡相次。唯有六人。其誰得之。則有金闍。含光。新羅。惠超。青龍。惠果。
崇福寺。惠朗。保壽寺。元曉。覺超。後學有疑。汝等開示法燈。不絕。以
報吾恩。賴此印可。三朝師尊。四衆依學。出入金殿。奉對紫極。敷演
秘法。宣布妙理。四十餘載矣。常謂門人曰。金剛界大悲胎藏兩部
大教者。諸佛秘藏。即身成佛之徑路也。普願流傳。法界度脫。有情
訶陵。辨弘新羅。慧日。並授胎藏師位。劍南。惟上河北。義圓。授金剛
界大法。義明。供奉亦授兩部。阿闍梨法。今有日本。沙門空海。來求
秘教。授以兩部。秘奧壇儀印契。漢梵無差。悉受於心。猶如瀉瓶。此
是六人堪傳吾法燈。吾願足矣。日出月沒。油盡燈滅。物之常也。菩
薩不住。如來亦滅。吾亦庶幾。不如歸眞。即以永貞元年十二月十
五日。五更。去世。春秋六十。法夏四十一。一人哀慟。四衆感絕。所有行

狀具如別傳

沙門輪波迦羅具足梵音應云戊婆揭羅僧訶唐音正翻云淨師子以義譯之名善無畏中印度摩伽陀國王也亦是龍智菩薩弟子金剛三藏之同門也捨寶位入道林神氣清虛道業恢著精通禪惠妙達惣持三藏教門一心遊入五天諸國久播芳名大悲利生有緣東漸途至北印度境響震摩訶支那皇帝搜集賢良發使迎接以開元四年景辰大賈梵來來達長安初於興福寺南院安置次後五年丁巳於菩提院譯虛空藏求聞持法一卷十二年隨駕入洛於大福光寺安置遂為沙門一行譯大日經一部七卷蘇婆呼蘇悉地兩部經三藏性愛恬簡靜慮恬神時開禪觀獎勵初學慈悲作念接誘無虧人或問疑剖折無滯弘仁十二年九月七日

金剛下版本
有智字影贊
無之○虛版
本作靈又恢
惠版本意
誤一作徐非
也影贊可證

經字東寺本
無上版本有
人字○弘
仁等九字依
東寺本補

翻版本作翔
非也

案版本作繁
證也影贊可
有智字
金剛下版本

沙門一行俗姓張名遂亦是故金剛智三藏之法化也鄰國襄公謹之曾孫太僕丞懷之子也家代忠孝公卿相襲母隴西李氏華容止性聰敏懷孕之日其母額上有二三寸白光及生之後移在兒額親族怪而異之至年十歲聰慧過人其父欲神童舉之其母曰吾夢寐徵兆此兒必為國師勿妄舉之後必成大器於此乃止其後遂為國師果如母言掩化之日玄宗皇帝自親製碑銘并書石上其詞曰

禪師幼而希言言必有中長無暇日日誦萬文深道極陰陽之奧屬辭盡春秋之美射策甲科翻飛高蹈依嵩嶽僧寂深究禪門就常陽僧真纂成律藏予聞玄德遠請來儀展宿緣之冥愛全幽人之繁履禪師以朕欽若昊天故撰開元之曆以朕敦崇聖道故述大衍之贊又於金剛三藏學陀羅尼秘印登前佛壇受法王寶又

少東寺本並
版本作小
扉東寺本作
扇寫誤

三十原作三
七日依影贊
改版本作三
十日
又方觀本作
觀作觀

於無畏三藏譯盧遮那佛經開後佛國滿大慈願本孰爲而來哉
將辨是而去矣善乎爲親出家毀形無我以拔濟幽難是孝中又
有孝也爲君思道吐血忘倦以潤色鴻業是忠外別有忠也昔嘗
順風咨度乘日遊閑發揮精至討論典禮方期永喜以親有德天
孤善願奪我師賓十五年前九月於華嚴寺疾亟將舉病入辭少
間而止朕於此夜夢暎禪居見繩狀施轅紙隔開扉曉而驗問一
如所親意識往來若斯感會先集都城名德爲禪師設大道場佛
心證明危疾果愈十月八日隨行所在新豐身無諸患口無一語
忽然浴香水換潔衣跌坐正念恬如寂滅四衆瞻悼久方覺知適
爾爲者有往生之意也乃命停神於罔極之寺安塔於銅人之原
謚曰大慧禪師崇稱首也自終及葬凡經三十爪甲不變鬢髮更
長形共力特色與心澗十方億衆贊仰希有唯當蓮葉下生觀多

真影贊作與

然下版本有
夫字○真原
改無依影贊

弘仁等十
依東寺本
補字

寶於涌塔龍華後會禮迦葉於開山予懷鬱陶奇詞糟粕偈曰
自天聰明經佛授記彼上人者兼善藝事文揭日月
術窮天地捨有作心發無上志萬品道諦千門法華
惚攝一燈撥去三車我夢金人來鎮國家祚增劫石
善集恒沙定住實相慧行真宰導予一人化清四海
正眼何促供心莫待交臂忽亡結跏如在舍利堅固
法螺闕絕見生滅者寂豈生滅聞言說者空何言說
道離見聞銘示來哲
夫對揚如來文殊居上發揮宣父顏回當之扣搥真言禪師之功
也然大辨若訥大智若愚非聖君無以鑒其賢非智母莫以知其
子每憂國家亡絕佛法謙下和敬隱德藏名故多勝行闕而無述
也弘仁十二年九月六日書

版本尾題云
略付法傳

真言付法藏書終

管軒等廿九
補字依東寺本

管軒舉遺鳥弓 我聖帳留龍宮
獻諸佛願冥功 幡壹飄證三空
師已上大筆

編者曰。右真言付法傳一卷。以梅尾高山寺所藏古寫本一卷。為原本。以東寺寶庫所藏七祖影贊。東寺所藏古寫本一卷。古版本一卷。寶冊鈔并密宗血脉鈔所引文。校合。畢。冠註云。一本者皆指東寺。古寫本并古版本也。彼東寺所藏七祖影。中龍猛龍智。二祖畫贊共皆我。大師真蹟餘五祖畫。則唐李真筆贊則我。大師真蹟也。余頃日親拜見之。獨金剛智三藏贊文字剝落特甚。不。一。字。可。讀。其餘龍猛龍智不空惠果無畏一行六祖贊。雖間有剝落難讀之處。以此書對照。則滅字皆可推知也。於是始知今書所載龍猛以下七祖傳文。全同。彼贊詞。所以今以後。校此。拾古十種所載七祖影贊。摹寫甚。唯

寫字形存者。不寫剝落之處。却招人疑。可憎之甚。後賢莫偏覽。彼摹本疑我祖真蹟。則幸也。

又東寺所傳古寫本一卷。不記書寫年月。蓋八九百年前寫本歟。傳云。我大師真蹟者甚謬矣。依弘法大師年譜第八所記。得仁師所覽高野山正智院所藏。承保三年古寫本。全同此本歟。

又真俗雜記類聚第十五記。廣畧付法傳。來由云。御口云。大師為令末弟知付法相承。故作廣付法傳。又為東寺灌頂堂祖師銘。畧付法傳。給也。彼堂大師御影畧付法傳。大師行狀是後人所加歟。依是察之。瑜師所覽本有大師行狀。恐是濟遠僧都所撰。略付法傳歟。而今本不載之。却是可謂善本也。

弘法大師年譜第八十三云。真言付法傳之善無畏後批云。弘仁十二年九月七日。又一行云。弘仁十二年九月六日書真言付法藏書管軒舉遺鳥弓。我聖帳留龍宮。獻諸佛願冥功。幡壹飄證三空師已上大。○右高野山正智院藏承保三年

東寶記引密教相承鈔裏書曰。石山內供記云。弘仁十二年九月六日。弘法大師於龍猛等影像。下自書行狀等文云云。當寺經藏本是也。云云。○深廣傳記要集。又云。無畏金智不空惠果一行五祖影像者。大師請來正本也是。

則李真等所圖一十鋪之隨一也。龍猛龍智二祖真影者大師於本朝被圖加之弘仁十二年所圖畫廿六鋪隨一也。同年九月六日大師自令書二祖行狀文翰見彼影像批記矣(已上)

同年譜第八左三冠註云集古十種收入大師真蹟七祖贊摹本其無畏一行影並有弘仁十二年之字餘朽損不見附言云七祖贊則平安東寺所傳實也頃適得一摹本且上之木以傳世字皆雙鈎僅存結體耳云云

類秘鈔云大師御筆略付法傳奧文云弘仁十二年二月日書云云是別本歟未考(已上)
冠註

(題外) 御請來目錄

上新請來經等目錄表

入唐學法沙門空曩言空曩以去延曆廿三年銜命留學之末間津萬里之外其年臘月得到長安廿四年二月十日准勅配住西明寺爰則周遊諸寺訪擇師依幸遇青龍寺灌頂阿闍梨法號惠果和尚以為師主其大德則大興善寺大廣智不空三藏之付法弟子也弋鈞經律該通密藏法之綱紀國之所師大師尙佛法之流布歎生民之可拔授我以發菩提心戒許我以入灌頂道場沐受明灌頂再三焉受阿闍梨位一度也肘行膝步學未學稽首接足聞不聞幸賴國家之大造大師之慈悲學兩部之大法習諸尊之瑜伽斯法也則諸佛之肝心成佛之徑路於國城鄣

於人膏腴，是故薄命不聞，名重垢不能入。印度則輪婆三藏脫羈，負展振旦，則玄宗皇帝景仰忘味，從爾已還一人三公接武，耽翫四衆萬民稽首，鼓篋密藏之宗自茲稱帝半珠，顯教靡旗面縛，夫以鳳凰千飛必窺堯舜，佛法行藏逐時卷舒，今則一百餘部，金剛乘教兩部，大覺荼羅海會請來，見到雖云波濤泛漢，風雨漂舶，越彼鯨海平達，聖境是則聖力之所能也。伏惟皇帝陛下，至德如天，佛日高轉，人之父佛之化，悲蒼生而濡足，鍾佛囑而下，垂衣以陛下新御旋璣，新譯之經自遠新屢，以陛下慈育海內，海會之像過海而來也。恰似符契非聖誰測矣。空疑雖關期之罪死，而有餘竊喜難得之法生，而請來不任一懼一喜之至。謹附判官正六位上行大宰大監高階真人遠成奉表以聞，并請來新譯經等目錄一卷，且以奉進。輕驥威嚴，伏增戰越。沙門空疑誠恐

誠惶謹言

大同元年十月廿二日

入唐學法沙門空疑上表

入唐學法沙門空疑大同元年請來經律論疏章傳記并佛菩薩金剛天等像三昧耶曼陀羅法曼陀羅傳法阿闍梨等影及道具並阿闍梨付囑物等目錄都合六種就中

新譯等經都一百四十二部二百四十七卷

梵字真言讚等都四十二部四十四卷

論疏章等都三十二部一百七十卷

已上三種惣二百一十六部四百六十一卷

佛菩薩金剛天等像法曼陀羅三昧耶曼陀羅并傳法阿闍梨等影共一十鋪

紙數原本朱書以下皆然

道具九種

阿闍梨付囑物一十三種

新譯經

金剛頂瑜伽真實大教王經三卷

金剛頂瑜伽般若理趣經一卷

觀自在菩薩授記經一卷

瑜伽念珠經一卷

奇特佛頂經三卷

觀自在菩薩最勝明王心經一卷

金剛頂瑜伽文殊師利菩薩經一卷

阿喇多羅阿嚕力經一卷

普賢行願讚一卷

四十三紙

八紙

一十二紙

二紙

六十八紙

十二紙

二紙

一十一紙

五紙

地藏菩薩問法身讚一卷

出生無邊門經一卷

大吉祥天女經一卷

底哩三昧耶經一卷

十一面觀自在菩薩經三卷

吉祥天女十二名号經一卷

金剛頂瑜伽十八會指歸一卷

金剛頂瑜伽三十七尊分別聖位法門一卷

菩提場所說一字頂輪王經五卷

寶篋經一卷

金剛壽命陀羅尼經一卷

大孔雀明王經三卷

五紙

一十紙

七紙

十四紙

廿四紙

二紙

九紙

一十三紙

七十八紙

六紙

三紙

五十紙

一卷版本作

- 大雲輪請雨經一卷 二十四紙
- 雨寶陀羅尼經一卷 五紙
- 襲癸梨童女經一卷 四紙
- 稻蔴喻經一卷 八紙
- 大寶廣博樓閣經三卷 四十五紙
- 菩提塲莊嚴經一卷 二十二紙
- 能淨一切眼陀羅尼經一卷 二紙
- 施焰口餓鬼陀羅尼經一卷 四紙
- 三十五佛名經一卷 二紙
- 八大菩薩曼荼羅經一卷 八紙
- 葉衣觀自在菩薩陀羅尼經一卷 八紙
- 訶梨帝母經一卷 三紙

眼下版本有
疾病二字

原本無紙數
原本注三紙

原本無紙數
原本注十二紙

- 毗沙門天王經一卷 五紙半
- 觀自在菩薩說普賢陀羅尼經一卷 七紙
- 文殊問字母品一卷 三紙
- 金剛頂蓮華部心念誦法一卷 二十三紙
- 金剛頂瑜伽千手千眼觀自在念誦法一卷 十八紙
- 無量壽如來念誦儀軌一卷 二十紙
- 阿閼如來念誦法一卷 八紙
- 佛頂尊勝念誦法一卷 六紙
- 金剛頂勝初瑜伽普賢菩薩念誦法一卷 十二紙
- 金剛王菩薩念誦法一卷 十二紙
- 普賢金剛薩埵念誦法一卷 十二紙
- 金剛頂瑜伽五秘密修行儀軌一卷 十二紙

法界下版本
有品字

金剛壽命念誦法一卷	三	紙
一字頂輪王瑜伽經一卷	十二	紙
一字佛頂輪王念誦儀軌一卷	十二	紙
如意輪念誦法一卷	八	紙
大虛空藏菩薩念誦法一卷	五	紙
瑜伽蓮華部念誦法一卷	七	紙
聖觀自在菩薩心真言觀行儀軌一卷	六	紙
甘露軍吒利瑜伽念誦法一卷	一十八	紙
華嚴入法界四十二字觀門一卷	六	紙
文殊讚法身禮一卷	三	紙
受菩提心戒儀一卷	三	紙
金剛頂瑜伽三十七尊禮一卷	四	紙

學版本作漫

般若理趣釋一卷	三十二	紙
大毘婆沙十七尊釋一卷	三	紙
金剛頂瑜伽護摩儀軌一卷	八	紙
都部陀羅尼目一卷	四	紙
大乘緣生論一卷	十	紙
大虛空藏菩薩所問經八卷	一百七	紙
仁王經二卷	三十五	紙
密嚴經三卷	五十一	紙
仁王念誦儀軌一卷	十九	紙
大聖文殊師利菩薩佛利功德莊嚴經三卷	五十一	紙
成就妙法蓮華經王瑜伽觀智儀軌一卷	廿五	紙
金剛頂勝初瑜伽經中略出大樂金剛薩埵念誦儀軌一卷	廿五	紙

布武 文明保护基金会

www.docsriver.com商家布武古籍

大樂金剛薩埵修行成就儀軌一卷	十一	紙
大藥叉女歡喜母并愛子成就法一卷	十五	紙
大佛頂如來放光悉怛他鉢陀羅施羅尼一卷	九	紙
普遍光明大隨求陀羅尼經二卷	三十二	紙
金剛頂超勝三界經說文殊五字真言勝相一卷	三	紙
五字陀羅尼頌一卷	八	紙
聖闍曼德迦威怒王立成大神驗念誦法一卷	五	紙
文殊師利菩薩根本大教王金翅鳥王品一卷	三	紙
不空羼索毘盧遮那佛大灌頂光真言一卷	二	紙
聖迦拏忿怒金剛童子菩薩成就儀軌經三卷	二十八	紙
大威怒烏菟灑摩儀軌一卷	十	紙

二卷版本作一卷

光下版本有明字

灑版本作濕

佛說摩利支天經一卷	四	紙
佛爲優填王說王法政論經一卷	九	紙
佛說一髻尊陀羅尼經一卷	一十四	紙
速疾立驗摩醯首羅天說迦婁羅阿尼奢法一卷	四	紙
大日經略攝念誦隨行法一卷	二	紙
大毗盧遮那成佛神變加持經畧示七支念誦隨行法一卷	三	紙
木槵經一卷	一	紙
金剛頂經瑜伽文殊師利菩薩儀軌供養法品一卷	十四	紙
曼殊室唎童子菩薩五字瑜伽法一卷	二	紙
金剛頂降三世大儀軌一卷	四	紙

婁版本作樓

版本無經字

文殊師利菩薩及諸仙所說吉凶時日善惡宿曜經二卷	四十	紙
金剛頂經觀自在王如來修行法一卷	六	紙
金剛頂瑜伽中發阿耨多羅三藐三菩提心論一卷	七	紙
瑜伽金剛頂經釋字母品一卷	二	紙
修習般若波羅蜜菩薩觀行念誦儀軌一卷	七	紙
仁王般若陀羅尼釋一卷	七	紙
觀自在大悲成就瑜伽蓮華部念誦法門一卷	十二	紙
佛說大孔雀明王畫像壇場儀軌一卷	四	紙
金剛手光明灌頂經寂勝立印聖無動尊大威怒王念誦儀軌法品一卷	十一	紙

版本以釋字
母品安修習
般若軌之次
蜜下版本有
多字

道版本作佛

末利支提婆華鬘經一卷	一十四	紙
大聖天歡喜雙身毗那夜迦法一卷	三	紙
觀自在菩薩如意輪瑜伽一卷	八	紙
金輪王佛頂略念誦法一卷	三	紙
金剛頂瑜伽降三世成就極深密門一卷	三	紙
金剛頂瑜伽他化自在天理趣會普賢修行念誦儀軌一卷	十三	紙
已下未載貞元目錄		
釋迦牟尼佛成道在菩提樹下降魔讚一卷		
冰迦羅天經一卷		
施諸餓鬼飲食儀軌一卷		
梵天擇地法一卷		

住東寺本作

東寺本此處
不出三摩地
法一卷

東寺本作一
百一十七部
卷一百四十九

佛說出生無邊門陀羅尼儀軌一卷

轉法輪菩薩法一卷

如意輪觀門義注秘訣一卷

菩提心義一卷

華嚴經入法界品頓證毗盧遮那字輪瑜伽儀軌一卷

金剛頂瑜伽毗盧遮那三摩地法一卷 十五紙

金剛峯樓閣一切瑜伽瑜祇經一卷

大日經供養式一卷

麤呬經三卷

右一百一十八部一百五十卷大唐特進試鴻臚卿加開

府儀同三司封肅國公贈司空諡大辯正大廣智不空三

藏和尚譯

法海一味隨機淺深五乘分鑿逐器頓漸頓教之中有顯有密於
 密藏也或源或派古之法匠泳派攀葉今之所傳拔極竭源何以
 故昔金剛薩埵親受遍照如來數百歲後授龍猛菩薩龍猛菩薩
 授龍智阿闍梨龍智阿闍梨授金剛智阿闍梨金剛智三藏大唐
 開元中始扣五詔雖云一人宗仰不能廣流唯有我祖大廣智
 阿闍梨初受金剛智三藏更詣南天竺龍智阿闍梨所括囊十八
 會瑜伽研窮胎藏等密藏天寶中却歸大唐于時玄宗皇帝始
 受灌頂屈尊師資自降肅宗代宗相續受法禁內則建神龍
 精舍城中則普開灌頂壇一人百寮臨壇受灌頂四衆群生膝步
 學密藏密藏之宗是日鬱興灌頂之法自茲接軫又夫顯教則談
 三大之遠劫密藏則期十六之大生遲速勝劣猶如神通跋驢仰
 善之客庶曉其趣矣教之優劣法之濫觴如金剛薩埵五秘密儀

軌及大辯正三藏表答等中廣說

新譯華嚴經一部四十卷

六百一十二紙

大乘理趣六波羅蜜經一部十卷

一百六十紙

守護國界主隨羅尼經一部十卷

造塔延命功德經一卷

右四部六十一卷般若三藏譯

十力經一卷

右一部勿堤犀魚三藏譯

廻向輪經一卷

十地經九卷

右二部十卷尸羅達摩三藏譯

大威力烏樞瑟摩明王經二卷

三十五紙

提東寺本作

東寺本略出經之次出金剛頂瑜伽毗盧遮那三摩地法一卷
東寺本作三部六卷
三卷原本并東寺本俱如此恐應作四卷乎

穢迹金剛說神通大滿陀羅尼法術靈要門一卷五紙

右二部三卷無能勝三藏譯

舊譯經

金剛頂毗盧遮那一百八尊法身契印一卷

右無畏三藏譯

金剛頂瑜伽中略出念誦經一部四卷

八十一紙

不動尊使者秘密法一卷

右二部五卷金剛智三藏譯

佛心經二卷

不空羼索真言經二卷 第六卷 第廿卷 卅卷之中闕本

右二部三卷菩提留支三藏譯

諸佛心陀羅尼經一卷

能滅衆罪千轉陀羅經一卷

右二部二卷立契三藏譯

大方廣菩薩藏經中文殊師利根本一字陀羅尼法一卷

右阿真彌耶三藏譯

摩訶吠室囉末那野提婆喝羅闍陀羅尼儀軌一卷

右般若輪三藏譯

華嚴經心陀羅尼一卷

右實又難陀三藏譯

文殊滅婬欲我憊陀羅尼一卷

使犯法經一卷

毗那耶經一卷

金剛部元帥大將阿吒婆俱經三卷

東寺本此處
不出文殊滅
不我憊陀
羅尼一卷
東寺本阿吒
婆俱經之次
出文殊滅婬
欲我憊陀羅
尼一卷

伽駄金剛真言一卷

右二十四部九十七卷或近譯未傳此間或舊譯名來實關古人所未傳略在斯中

梵字

梵字大毗盧舍那胎藏大儀軌二卷

梵字胎藏曼陀羅諸尊梵名一卷

梵字金剛頂蓮花部大儀軌二卷

梵字毗盧遮那三摩地儀軌一卷

梵字普賢行願讚一卷

梵字大佛頂真言一卷

梵字大隨求真言一卷

梵字少隨求真言一卷

梵字大寶樓閣經真言一卷

梵字金剛藏降三世讚王一卷

梵字千臂甘露軍荼利真言一卷

梵字吉慶讚一卷

梵字無垢淨光陀羅尼一卷

梵字菩提場莊嚴陀羅尼一卷

夾注中三箇
一字版本脫

梵字寶部金剛讚一卷 就中如意輪讚一 大悲真言一 維摩詰真言一

梵字妙法蓮華經儀軌一卷

梵字不動尊儀軌一卷

梵字尊勝佛頂真言一卷

梵字七俱胝佛母讚一卷

梵字馬頭觀音陀羅尼一卷

梵字千鉢文殊一百八名讚一卷

梵字一切吉祥天女陀羅尼一卷

梵字不空羂索陀羅尼一卷

梵字千手千眼真言一卷

梵字阿彌陀佛真言一卷

梵字寶篋真言一卷

梵字十六大菩薩讚一卷

梵字十六大菩薩真言一卷

梵字大三昧耶真實一百八名讚一卷

梵字七俱胝儀軌一卷

梵字葉衣觀音真言一卷

梵字大悲心真言一卷

梵字一字頂輪王儀軌一卷
 梵字文殊五字真言儀軌一卷
 梵字烏芻濕摩儀軌一卷
 梵字勝初瑜伽儀軌一卷
 梵字天龍八部讚一卷
 梵字法身偈一卷
 梵字十一面讚一卷
 梵字金剛峯樓閣真言并一百八名讚一卷
 梵字蓮花部讚一卷
 梵字悉曇章一卷
 右四十二部四十四卷
 釋教者也本乎印度西域東垂風範天隔言語異楚夏之韻文字

東寺本先法
 華記後四教
 贊東寺本
 讚○四字原
 讚書三以朱
 改本四三東
 改爲本寺作
 索東寺本○
 甘字東寺本
 作更以淡墨
 改作甘字

非篆隸之體是故待彼翻譯乃酌清風然猶真言幽邃字字義深
 隨音改義除切易謬粗得髣髴不得清切不是梵字長短難別存
 源之意其在茲乎

論疏章等

- 華嚴經疏一部卅卷澄觀法師撰
- 法華玄義一部十卷天台智者撰
- 法華文句疏二部廿卷天台智者撰
- 四教義一部十二卷天台智者撰
- 法華記一部十卷天台湛然法師記
- 法華贊一部四卷清索法師述
- 大毗盧遮那經疏一部廿卷一行禪師撰
- 虛空藏經疏一部四卷潛真法師撰

導版本作道

版本脫經字

- 文殊師利經疏一部三卷 潛真法師撰
- 仁王經疏一部三卷 良賁法師撰
- 明四種具足人求善知識法一卷
- 金剛般若導俗記三卷
- 辯正理論一部八卷 法琳師撰
- 三教不齊論一卷
- 辯凡聖因果界地章二卷 良賁法師撰
- 金剛般若經疏一部三卷 道氣法師撰
- 貞元新定釋經目錄卅卷 圓照律師撰
- 貞元新翻譯經圖記二卷 圓照律師撰
- 佛頂尊勝陀羅尼傳序一卷
- 華嚴十會一卷

- 大方廣佛華嚴經品會名圖一卷
- 華嚴會請賢聖文一卷
- 金師子章并緣起六相一卷
- 杜順禪師會諸宗別見頌一卷
- 授五戒八戒文一卷
- 悉曇字記一卷
- 悉曇釋一卷
- 無畏三藏禪要一卷
- 建立壇法一卷
- 金剛頂瑜伽秘密心地法門義訣一卷
- 大唐大興善寺大辯正大廣智三藏表答碑六卷
- 右三十二部一百七十卷

布武 文明保护基金会

www.docsriver.com商家布武古籍